



Ўзбекистон Республикаси иқтисодий-иқтисодий газетаси

1974-йил 1-январдан чиқа бoshлаган

### ЎЗБЕКИСТОН ХАЛҚИГА РАМАЗОН ҲАЙИТИ ТАБРИГИ

Азиз юртдошлар! Юртимиз мўмин-мусулмонлари ва бутун халқимизни ер юзидаги ислом уммати томонидан кенг нишонланаётган улуғ ва муборак айём – Рамазон ҳайити билан чин қалбимдан самимий табриклайман.

Эл-юртимиз учун инсонпарварлик, сабр-қаноат, хайру саховат ва шукроналик тимсоли бўлган ушбу кутлуғ байрам кунларида барчангизга ўзимнинг чуқур ҳурмат-эҳтиромим ва эзгу тилакларимни билдираман.

Ҳаммамиз гувоҳи бўлиб турганимиздек, кейинги бир йилдан зиёд вақт давомида бутун дунё мамлакатлари қатори жонажон Ўзбекистонимиз ҳам пандемия билан боғлиқ мураккаб синовларни бошидан ўтказмоқда.

Бундай шароитда Рамазон ойи ва ҳайит байрамнинг моҳиятида мужассам бўлган меҳр-мурувват, эҳтиёжманд тоифаларга ҳар томонлама кўмак ва ёрдам қўриштириш, ҳаёт ташвишлари ва муаммоларини биргаликда, ўзаро елкадош бўлиб ҳал этишдек олижаноб қадриятлар айниқса муҳим аҳамият касб этмоқда.

Ўзининг миллий урф-одат ва аъёналарига содиқ, меҳнат-каш, ва саховатли халқимиз ана шундай юксак фазилатларни яққол намоён этиб, муқаддас Рамазон ойини тинчлик ва осойишталик, ўзаро ҳурмат ва ҳамжиҳатлик муҳитида ўтказгани ҳамда ушбу эъозли айёмни катта шоду хуррамлик билан кутиб олаётгани унга алоҳида файзу шукӯҳ бағишламоқда.

Бугунги кунда кенг кўламли ислоҳот ва туб ўзгаришлар натижасида янгиланиб бораётган юртимизда халқ билан мулоқот, инсон ҳуқуқ ва манфаатларини, жумладан, виждон эркинлигини таъминлаш давлат сиёсати даражасига кўтарилиб, бу борада улкан чора-тадбирлар амалга оширилмоқда.

Бу ҳақда сўз юритганда, халқимизнинг бой ва қадимий диний-маънавий меросини тиклаш ва фаол тарғиб этиш, буюк аجدларимизнинг табаррук қадимларини обод қилиш бўйича олиб борилаётган салмоқли ишларни алоҳида таъкидлаш лозим.

Жумладан, Қашқадарё вилоятида – калом илмининг атоқли намояндаси Абу Муин Насафий, Наманган вилоятида – тасаввуф таълимотининг йирик вакили Султон Увайс Қараний, Тошкент шаҳрида Сузук ота ёдгорлик мажмуалари бунёд этилди. Кўплаб масжидлар, мадраса ва диний обидалар қайта қурилмоқда ва таъмирланмоқда, пойтахтимиздаги Ислом цивилизацияси маркази қурилиши жадал давом эттирилмоқда.

Муборак Рамазон ойида яна бир улкан хайрли ишни бошлаганимиз – буюк муҳаддис бобомиз Имом Бухорийнинг Самарқанд вилоятидаги ёдгорлик мажмуасини ул зотининг мусулмон оламидаги беқиёс обрў-этибори ва нуфузига муносиб ҳолда барпо этишга киришганимиз сизларга яхши маълум, албатта. Миллий тарихимизда биринчи марта кўп жилдди “Ислом” энциклопедияси нашр этила бошлагани ҳам муқаддас динимизнинг асл мазмун ва моҳиятини халқимиз ўртасида кенг тарғиб этиш йўлидаги муҳим қадамдир.

Кўлами ва миқёси тобора кенгайиб бораётган бундай амалий ишларимиз янги Ўзбекистонни барпо этиш, мамлакатимизда Учинчи ренессанс пойдеворини яратиш, Ватанимиз равнақи, халқимиз фаровонлигини оширишдек эзгу мақсадларимизга уйғун ва ҳамохан бўлиб, барча юртдошларимизни ана шу ғоялар атрофида янада бирлаштиришга хизмат қилаётгани айниқса эътиборлидир.

Муҳтарам дўстлар! Бугунги шиддатли замон барча жабҳалар қатори диний-маърифий соҳада ҳам олдимизга янги-янги вазифаларни қўймоқда. Айниқса, дунё миқёсида рақобат тобора кескинлашиб, барқарорликка нисбатан таҳдидлар жиддий тус олаётгани бизни доимо ҳушёр ва огоҳ бўлиб яшашга, фарзандларимизни жисмоний ва маънавий баркамол этиб тарбиялашдек ғоят масъулиятли ишга ҳар қачонгидан ҳам устувор аҳамият беришга даъват этмоқда.

Зеро, ислом дини – аввало, тинчлик ва дўстлик, аҳиллик ва бирдамлик, билим ва маърифат динидир. Мана шу олий ҳақиқатни ҳеч қачон эсимиздан чиқармаслигимиз лозим.

Бугунги осуда ҳаётимизнинг қадрига етиш, жамиятимизда ҳукм сураётган турли миллатлар ва элатлар, диний конфессиялар ўртасидаги бағрикенгликни, фуқаролар орасидаги ўзаро ҳурмат, меҳр-оқибат муҳитини янада мустақамлаш барчамизнинг асосий бурчимиздир.

Маърифатпарвар бобомиз Маҳмудхўжа Бехбудийнинг “Дунёда турмоқ учун дунёвий фан ва илм лозимдур”, деган сўзлари бугун ҳам долзарб аҳамиятга эга.

Бинобарин, диний қадриятларимизни, миллий ўзгиллигимизни улуғлаб яшаш билан бирга, давр талаби бўлган замонавий илм-фан ютуқлари, ахборот технологияларини эгаллашга алоҳида эътибор қаратишимиз, ёш авлодимизни умуминсоний қадриятлар руҳида тарбиялашимиз керак.

Хурматли уламолариниз, имом-хатибларимиз, ота-оналар, устоз-мураббийлар, муҳтарам нурунийларимиз – кенг жамоатчилик яқин ҳамкорликда бу борада янада фаол ва самарали иш олиб борадилар, деб ишонаман.

Қадри юртдошлар! Аллоҳ таолонинг марҳамати ёғиладиган ушбу барокатли ва нурафшон кунда сизларни яна бир бор азизу мукаррам Ийдул-Фитр билан чин дилдан табриклайман.

Дунёнинг узок-яқин мамлакатлари мусулмонларини ҳам самимий кутлаб, уларга тинчлик, бардавом тараққиёт ва фаровонлик ёр бўлишига тилакдошман.

Меҳнаткаш ва оққўнғил халқимизнинг мўътабар моҳи Рамазонда қилган барча эзгу ният ва дуолари ижобат бўлсин! Жонажон Ватанимизни, азиз халқимизни Яратганнинг Ўзи паноҳида асрасин!

Рамазон ҳайити барчамизга муборак бўлсин!  
**Шавкат МИРЗИЁЕВ,**  
Ўзбекистон Республикаси Президенти

### ЎЗБЕКИСТОН ВА ТУРКИЯ ЕТАКЧИЛАРИ ТЕЛЕФОН ОРҚАЛИ МУЛОҚОТ ҚИЛДИ

12 май кuni Ўзбекистон Республикаси Президенти Шавкат Мирзиёев ва Туркия Республикаси Президенти Режеп Таййип Эрдоғанининг телефон орқали мулоқоти бўлиб ўтди.

Сухбат аввалида давлат раҳбарлари Рамазон ҳайити муносабати билан бир-бирларини самимий кутладилар. Ушбу муқаддас айёмнинг барча мусулмонлар учун алоҳида аҳамиятга эга эканини қайд этиб, биродар халқларимизга тинчлик-осойишталик, фаровонлик ва равнақ тилакларини изҳор қилдилар.

Президентлар икки томонлама муносабатларнинг долзарб масалаларини батафсил муҳокама қилдилар. Коронавирус пандемияси билан боғлиқ мураккаб шароитда кўп қиррали ҳамкорлик изчил ривожланиб бораётгани таъкидланди.

Хусусан, турли даражаларда ўзаро алмашинув ва мулоқотлар фаоллашди. Жорий йил бошидан товар айирбошлаш 40 фоизга ортди, 164 та янги қўшма корхона ташкил этилди, худудлар ўртасида ҳамкорлик

йўлга қўйилмоқда. Самарқанд шаҳрида Туркия консуллиги ўзи ишини бошлади. Қўшма маданий-гуманитар дастурлар, шу жумладан, таълим, кинематография ва спорт соҳаларида амалга оширилмоқда.

Давлат раҳбарлари Стратегик ҳамкорлик кенгашининг иккинчи йиғилишини ўтказишга пухта тайёргарлик кўриш муҳим эканини қайд этдилар.

Шу мақсадда келгуси ойда Тошкент шаҳрида Савдо-иқтисодий ҳамкорлик бўйича ҳукуматлараро комиссиянинг навбатдаги йиғилиши ҳамда бизнес форум ўтказилади.

Бундан ташқари, саноат, энергетика, қишлоқ хўжалиги, инфратузилма, транспорт, туризм, соғлиқни сақлаш ва бошқа тузилмалар доирасидаги шерикликка алоҳида эътибор қаратилди.

Ўзбекистон ва Туркия Президентларининг мулоқоти ҳар доимгидек ўзаро ишонч руҳида, очик ва дўстона ўтди.

Телефон мулоқоти чоғида

етақчилар халқаро сиёсат масалалари юзасидан фикр алмашдилар.

Президентлар Шарқий Қуддусдаги вазиятнинг кескин тус олиши муносабати билан чуқур хавотирда эканликларини билдирдилар. Фаластин-Исроил муаммоси халқаро ҳуқуқ нормаларига мувофиқ, Бирлашган Миллатлар Ташкилоти Хавфсизлик Кенгаши томонидан аввал қабул қилинган резолюциялар асосида тинч йўл билан ҳал этилиши лозимлиги қайд этилди.

Туркий кенгаш, Иқтисодий ҳамкорлик ташкилоти, Ислом ҳамкорлик ташкилоти ва бошқа тузилмалар доирасидаги шерикликка алоҳида эътибор қаратилди.

Ўзбекистон ва Туркия Президентларининг мулоқоти ҳар доимгидек ўзаро ишонч руҳида, очик ва дўстона ўтди.

ЎЗА

### БИРИНЧИ ЧОРАҚДАГИ ИҚТИСОДИЙ КЎРСАТКИЧЛАР ТАҲЛИЛ ҚИЛИНИБ, УСТУВОР ВАЗИФАЛАР БЕЛГИЛАНДИ

Президент Шавкат Мирзиёев раислигида 12 май кuni худудлар ва тармоқларда иқтисодий ўсишни таъминлаш бўйича биринчи чорақдаги кўрсаткичлар таҳлили ҳамда жорий йилги устувор вазифалар муҳокамаси юзасидан видеоселектор йиғилиши ўтказилди.

Мураккаб пандемия шароитида давлатимиз томонидан иқтисодий тармоқлари ва тадбиркорлар ҳар томонлама қўллаб-қувватлангани натижасида иқтисодий барқарорлик, ишлаб чиқариш кўрсаткичлари ва иш ўринларини сақлаб қолишга эришилди.

Жумладан, биринчи чорақда мамлакатимиз ялпи ички маҳсулоти 3 фоизга, саноат 3,8 фоизга, қишлоқ хўжалиги 3,1 фоизга ўсган. Давлат бюджети даромадлари прогнозга нисбатан қариб 2 триллион сўмга кўпайган. Экспорт ҳажми январь-апрель ойларида 3,2 миллиард долларни ташкил этган.

– Бу кўрсаткичлар, албатта, яхши. Бунга эришиш учун қонунлар, қарорлар қабул қилиб, жуда катта имкониятлар яратдик, маблағлар бердик. Агар ҳамма тармоқ раҳбарлари “аравани торганида”, бу кўрсаткичлар икки баробар кўп бўларди. Вазирликларнинг “вертикал тизими” ишламаяпти. Вазирларда ташаббускорлик, уларнинг ўрин-босарларида ваколат ва жавобгарлик етишмаяпти. Коррупцияга чек қўйсақ, жойларда тизим ишласа, виллоят, туман ва шаҳар ҳокимлари масъулиятини оширса, иқтисодий ўзи ривожланади, – деди Шавкат Мирзиёев.

Йиғилишда айрим тармоқ ва

худудлардаги сусткашлиқлар кўрсатиб ўтилди. Мисол учун, биринчи чорақда “Ўзавтосаноат”-да ишлаб чиқариш ҳажми 40 фоиз, “Ўзбекнефтгаз” тизимида 4,7 фоиз, чарм маҳсулотлари тармоғида 10 фоизга пасайган. Сўнгги йилда дори-дармон ва тиббиёт буюмларида эҳтиёж кескин ошган бир пайтда фармацевтика маҳсулотлари ишлаб чиқариш ҳажми 22 фоизга камайган. Шунингдек, 74 та йирик ҳудудий корхонада ишлаб чиқариш ҳажми ўтган йилга нисбатан 1,1 триллион сўм камайишига йўл қўйилган.

ДАВОМИ 2-САҲИФАДА >>>

### Наманганлик “кумуш тола” ижодкорларининг шаҳди баланд

Наманганликлар азалдан пиллачилик йўналишида ҳам астойдил меҳнат қилиб, мўл-кўл ҳосил етиштириб келишган. Пиллаи қайта ишлаб, қажон бозорда дەرвуг таратган. Бундай натижага эришишда виллоятнинг географик жойлашуви, табиати, жонсарак инсонларининг саъй-ҳаракати муҳим омил бўлаётгани ҳам сир эмас.

Виллоятнинг “кумуш тола” ижодкорлари дунё мамлакатлари учун оғир кечаётган жорий йилда ҳам карантин қондаларига тўлиқ риоя қилган ҳолда аждодлар аънарасига содиқ қолиб, фаолият кўрсатишмоқда. Улар эрта баҳордан 33 минг 629 қути хорж ва маҳаллий пилла қурти уруғлари парваришига киришиб, 1800 тонналик улкан хирмонни бунёд этишга қарор қилган.

Ипак қуртларига етарли озуқа захираси яратилгани, илгор технология усулида парвариш қилингани, пиллачилар ҳар томонлама қўллаб-қувватланаётгани боис, бу йил барвақтроқ ҳосил етилди. Пиллакор туман номини олган Норинда уни теришга киришилди. 3185 ипак қурти 134 та фермер хўжалиқлари ва касаначилар томонидан меҳр билан парвариш қилинди. “Норин Агропилла” МЧЖга қарашли пилла қабул қилиш саройига биринчилардан бў-

либ “Уролбой ота ўғли Турғунбой”, “Норин обидлар бустони”, “Фофуров Расулжон ўғли Баҳодир” фермер хўжалиқларининг моҳир кўрт боқувчилари ҳар қути ҳисобига 63-85 килограммдан ошириб пилла топширди. Уларга виллоят ҳокими Шавкатжон Абдураззоқов томонидан қимматбаҳо маиший уй жиҳозлари тантанали равишда топширилди.

– Учқўрғон ва Тўрақўрғон туманларида ҳам пилла топшириш бошлаб юборилди. Мақсадимиз, қисқа фурсатда Наманганнинг улкан “Кумуш тола” хирмонини бунёд этиш ва Мустақиллигимизнинг 30 йиллигига муносиб тўёна ҳозирлаш, – дейди “Ўзбекистонда хизмат кўрсатган пиллачи”, Наманган виллояти ҳудудий агропилла МЧЖ раҳбари Лобархон Ямминова.

Равшанбек МИРЗАОЛИМОВ, “Qishloq hayoti” мухбири.



### ЎЗБЕКИСТОН ПРЕЗИДЕНТИ ВА ЯПОНИЯ БОШ ВАЗИРИ ҲАМКОРЛИК ИСТИҚБОЛЛАРИНИ МУҲОКАМА ҚИЛДИ

Ўзбекистон Республикаси Президенти Шавкат Мирзиёев 12 май кuni Япония Бош вазири Ёсихидэ Суга билан телефон орқали мулоқот қилди.

Ўзбекистон – Япония стратегик шериклик ва кўп қиррали ҳамкорлик муносабатларини янада ривожлантиришнинг долзарб масалалари муҳокама қилинди.

2019 йил декабрь ойида Японияга амалга оширилган олий даражадаги ташрифдан сўнг амалий ҳамкорликда, очик ва самарали мулоқотда юксак натижаларга эришилгани мамнуният билан қайд этилди.

Давлатимиз раҳбари янги Ўзбекистонни барпо этиш бўйича мамлакатимизда амалга оширилаётган комплекс ислоҳотлар дастурини фаол қўллаб-қувватлаётгани ҳамда коронавирусу қарши кураш ва пандемиянинг иқтисодий оқибатларини енгиб ўтишда кўрсатилган ёрдам учун Япония Бош вазири ва Ҳукуматига самимий миннатдорлик билдирди.

Япония Бош вазири, ўз навбатида, янгиланишларни янада илгари суриш, замонавий саноат ва ижтимоий инфратузилмани ривожлантириш мақсадида Ўзбекистонга молиявий-техник кўмакни кенгайтиришга тайёр эканини таъкидлади.

Япония томони Тошкент Корея ярим оролин ядровий қуролдан холи ҳудудга айлантириш ва ўғирланган япон фуқароларини қайтариш масаласини муттасил қўллаб-қувватлаётгани учун алоҳида миннатдорлик билдирди.

Икки томонлама савдо-иқтисодий, инвестициявий ва молиявий ҳамкорликни ривожлантириш истиқболлари кўриб чиқилди.

Ўзбекистон Президенти JICA агентлиги, Япониянинг етакчи компаниялари ва банк-молия институтлари билан самарали шерикликни юксак баҳолади. Ўтган йилда глобал инкироз ва карантин чекловларига қарамай, япониялик сармоядор ва мутахассислар билан биргаликда Тўрақўрғон ИЭС қурилиши, Навоий ИЭСни кенгайтиришнинг иккинчи босқичи, “Навоийазот” корхонасида аммиак ва карбамид ишлаб чиқариш бўйича юқори технологик қувватларни ишга тушириш каби устувор лойиҳалар амалга оширилди.

Ўзаро савдо ва инвестициялар ҳажмини ошириш учун қулай шарт-шароитлар яратиш муҳим экани алоҳида таъкидланди.

Давлат раҳбарлари қўшма бизнес лойиҳаларни молиявий қўллаб-қувватлашнинг самарали воситаларини жорий этиш ташаббусини маъқуллади.

Шунингдек, халқаро кун тартиби, минтақавий хавфсизлик ва барқарорликни таъминлаш масалалари юзасидан фикр алмашилди. Томонлар “Марказий Осиё + Япония” форматидagi амалий ҳамкорликни кенгайтиришга тайёр эканликларини қайд этди.

Япония томони жорий йил июль ойида Тошкент шаҳрида ўтказиладиган Марказий ва Жанубий Осиёнинг ўзаро боғлиқлигига бағишланган халқаро конференцияни қўллаб-қувватлашини ва унинг ишида иштирок этишини таъкидлади.

Сухбат сўнггида Ўзбекистон Президенти Токио шаҳридаги Олимпия ва Паралимпия ўйинлари муваффақиятли ўтишини тилади ҳамда Бош вазир Ёсихидэ Сугани мамлакатимизга ташриф билан келишга таклиф қилди.

Ўзбекистон ва Япония етакчиларининг телефон орқали мулоқоти ҳар доимгидек очик, дўстона ва ишчан руҳда ўтди.

ЎЗА

## БИРИНЧИ ЧОРАҚДАГИ ИҚТИСОДИЙ КЎРСАТКИЧЛАР ТАҲЛИЛ ҚИЛИНИБ, УСТУВОР ВАЗИФАЛАР БЕЛГИЛАНДИ

(Боши 1-саҳифада)

Давлатимиз раҳбари биринчи ярим йилликда бундай қолоқликларни бартараф этиш, кўшимча захираларни топиб, амалда ишга солиш кераклигини таъкидлади.

Иқтисодий ўсиш учун, энг аввало, энергия ресурслари зарур. Саноат тармоқлари, тадбиркорлар ва аҳоли эҳтиёжларини тўла қондириш учун "Ўзбекнефтегаз" томонидан иккинчи чорақда 9 миллиард куб метр табиий ҳамда 165 минг тонна суюлтирилган газ, "Иссиқлик электр станциялари" ва "Ўзбекгидроэнерго" тизимида жами 15,5 миллиард киловатт электр ишлаб чиқариш талаб этилади. Электр техникаси, тўқимачилик, чарм-пойабзал, қурилиш материаллари, фармацевтика каби саноат тармоқларида юқори ўсиш суръатларини таъминлаш учун барча имкониятлар борлиги қайд этилди.

Йиғилишда давлат корхоналарини трансформация қилиш масаласига ҳам эътибор қаратилди. "Худудгазтаъминот", "Ўздонмаҳсулот", "Агросервис", "Агролизинг" корхоналарида трансформация жараёнларини жаддалаштириш бўйича кўрсатмалар берилди.

Инвестиция ва экспорт масалалари атрофида муҳокама қилинди. Қайд этилганидек, жорий йилнинг иккинчи чорақда 75 триллион сўмлик инвестицияларни ўзлаштириш, бунинг

эвазига 43 та тармоқ ва 2 минг 500 та ҳудудий лойиҳа доирасида янги қувватларни ишга тушириш мўлжалланган.

Бу борада енгил саноат тармоғида Асака, Ёғдунон, Когон, Қарши, Хатирчи, Қибрай туманлари ва Чирчиқ шаҳрида умумий қиймати 220 миллион долларлик йирик тўқимачилик корхоналарини фойдаланишга топшириб, 3 мингга яқин аҳолини доимий иш билан таъминлаш режалаштирилган.

Президент мутасаддиларга ҳар бир инвестиция лойиҳаси ижросини қатъий назоратга олиб, корхоналар ишга туширилишини жадаллаштириш бўйича топшириқлар берди.

Биринчи ярим йилликда экспорт ҳажмини 5,2 миллиард долларга етказиш имконияти ҳисоб-китоб қилинган.

Давлатимиз раҳбари Ўзбекистон бенефициар бўлган "GSP+" тизими имкониятларидан кенг фойдаланиш, "Оеко-Тех" стандартларига мос тўқимачилик корхоналари сонини кўпайтириш муҳимлигини таъкидлади.

Шунингдек, хорижий мутахассисларни жалб қилган ҳолда, халқаро стандартларни жорий этиш бўйича ўқув дастурлари ишлаб чиқиб, маҳаллий корхоналар мутахассисларини ўқитиш ҳам зарур.

Маълумки, аҳолини озиқ-овқат билан таъминлаш кун сайин долзарб масалага айланиб бормоқда. Гўшт ва ўсимлик ёғининг жаҳон бозоридаги

нархлари бир йилдан буён тўхтовсиз ўсмоқда. Бундай шароитда озиқ-овқат маҳсулотлари етиштиришни кўпайтириш керак.

Шу мақсадда чорвачилик йўналишида мингта, паррандациликда 277 та корхона ишга тушириш, 1 миллион гектардан зиёд асосий майдонларда ҳамда экинлардан бўшайдиган ерларда сабзавот, картошка, шол, полиз ва озуқа маҳсулотларини етиштириш режалаштирилган.

Президентимиз ёғ-мой маҳсулотларига аҳоли талабини қондириш мақсадида жорий йилда 246 минг тонна мойли экинлар етиштириб, 86 минг тонна мой ишлаб чиқариш бўйича мутасаддиларга кўрсатма берди.

Иқтисодий комплексга кирувчи ташкилотларга паст қувватларда ишлаётган тадбиркорлик субъектларига фаолиятини жонлантириш учун кўмаклашиш вазифаси қўйилди. Май-июнь ойларида оилавий тадбиркорлик дастурларига 1,6 триллион сўм маблағ ажратиш, бу орқали камиди 30 минг нафар фуқарога даромад манбаи яратиш зарурлиги қайд этилди. Шунингдек, ҳудудий дастурлар доирасида 13 мингта, бўш ер участкаларини сотиш орқали 5 мингта, Бандлик, Хотин-қизлар ва Ёшлар жамғармалари ҳисобидан кўшимча 10 мингта янги иш ўрни ташкил этиш мумкин.

Полиэтилен, полипропилен, поли-

винилхлорид ва калцийланган сода каби хомашёларнинг биржа орқали сотишни кенгайтириш, мебель саноатини кўшимча қўллаб-қувватлаш бўйича топшириқлар берилди. Булар маҳаллий корхоналарнинг барқарор ривожланишида муҳим омил бўлади.

Президент ажратилган кредит ресурсларининг самарадорлиги ва қайтими борасидаги камчиликларни танқид қилди.

– Жойларда кредит ҳисобидан ташкил этилаётган корхоналарни инфратузилмага улаш, маҳсулот бозорини топишга кўмаклашиш бўйича тармоқ, ҳудуд ёки сектор раҳбарлари тизимли ишламаяпти, – деди давлатимиз раҳбари.

Мутасаддиларга муаммоли корхоналарни аниқлаб, уларга "яширин иқтисодиёт"дан чиқши учун шароит яратиш, кредитларни манзилли ва мақсадли ажратиш бўйича кўрсатмалар берилди.

Давлат солиқ кўмитасига тадбиркорларнинг фикр ва эътирозларини инобатга олиб, қўшилган қиймат солиғи тўловчиларни рўйхатга олиш, солиқларни ҳисоблаш тизимини янада такомиллаштириш вазифаси қўйилди.

Бош вазир ўринбосарлари, вазирлар ва ҳокимлар биринчи ярим йилликда тармоқ ва ҳудудларни ривожлантириш чора-тадбирлари юзасидан ахборот берди.

ЎЗА

НАВОИЙ ВИЛОЯТИ

## Пиллачилик: ютуқлар билан биргаликда камчиликлар ҳам бор

Президентимизнинг 2020 йил 17 январдаги "Пиллачилик тармоғида ипак курти озуқа базасини ривожлантириш бўйича кўшимча чора-тадбирлар тўғрисида"ги қарориди Республикада тўздорларни кенгайтириш, тутчиликда сув тежовчи сугориш технологияларини қўллаш ҳамда агротехника тадбирларини самарали ўтказишни рағбатлантириш, инновацион ғоялар, илмий ишланмалар ва илм-фан ютуқларини кенг жорий этиш орқали пиллачилик тармоғи озуқа базасини кўпайтириш, экспортга мўлжалланган маҳсулотлар ишлаб чиқариш ҳажминини ошириш, шунингдек, пиллачилик тармоғида амалга оширилаётган ислохотларни янада чуқурлаштириш чора-тадбирлари белгилаб берилган бўлиб, қарор ижросини таъминлаш мақсадида Навоий вилоятда ҳам бир қатор ишлар амалга оширилмоқда.

Жумладан, жорий йилда баҳор ва ёз ойларида 4 мавсумда 17 007 қути тут ипак курти парваришланиб, 952 тонна пилла хомашёси етиштириш режалаштирилган. Бугунги кунда пиллани қайта ишлаш корхоналари ва фермер хўжаликлари ўртасида 798 та контрактация шартномаларини тузиш ишлари тўлиқ якунланган. Шунингдек, тўздорларга бириктирилган қасаначилар билан 1670 та қасаначилик шартномалари тузилган.

Пилла озуқа базаси учун мавжуд тўздорларни янада кенгайтириш борасида ҳам қатор ишлар амалга оширилмоқда. Тут ипак куртларини парваришлаш ва озуқа базасини кўпайтириш мақсадида, мавжуд тўздорларнинг хатоларига 1 миллион 162 минг донга тут кўчат экилиб, тўздорлардан мўл ҳосил олиш мақсадида ерларга агротехник ишлов бериш, яъни тўздорларда пайхоннинг олдини олиш, сугориш, маҳаллий ва минерал ўғитлар бериш, бегона ўтлардан тозалаш, тўздорга келадиган сув йўллари қазиб ишлари олиб борилмоқда. Бу борадаги тадбирларнинг сифатли бажарилиши Ўзбекистон Республикаси агросаноат мажмуи устидан назорат қилиш инспекцияси вилоят бошқармаси ҳамда туман бўлимлари инспекторлари томонидан назорат остига олинган.

Маълумот ўрнида қайд этиш керак, вилоятда жорий йил давомида 217 гектар янги тўздорлар барпо қилиш режалаштирилган бўлиб, амалда 99 гектари барпо этилди.

– Соҳада қатор қонунбузилиш ҳолатлари ҳам кузатилмоқда, – дейди "Ўзагроинспекция"нинг Навоий вилояти бошқармаси бош инспектори Зиёдулла Тўхтаев. – Мазкур қонунбузилишларни таҳлил қиларканмиз, аксариятида тўздорлардан ўз манфаати йўлида фойдаланиш ва тут ўрнига бошқа мевали дарахтларни экиш каби ҳолатларга йўл қўйилганига гувоҳ бўлаемиз. Бунинг олдини олиш мақсадида қонунни бузганларга нисбатан ваколатимиз доирасида тегишли чоралар кўроқдамиз. Қайд этилган қонунбузилиш ҳолатлари ҳамда уларни келтириб чиқарувчи сабаб ва шарт-шароитларни бартараф этиш юзасидан тегишли раҳбарларга тақдимномалар киритилмоқда.

Отабек АСЛОНОВ,  
"Qishloq hayoti" мухбири.



ҚОРАҚАЛПОҒИСТОН РЕСПУБЛИКАСИ

## КЕГЕЙЛИДА ТОМОРҚАЧИЛИК РИВОЖЛАНМОҚДА

Кегейли туманида кейинги йилларда томорқа ерларидан унумли фойдаланиб, омилкорлик ортидан яхши даромад олаётган хонадонлар сони ортмоқда. Бунда туман ҳокимлиги томонидан "маҳаллабай" тизим асосида аҳоли шароити ўрганилиб, мурожаатлар бўйича тегишли ёрдам кўрсатилаётгани муҳим омил бўлмоқда.

Туманнинг "Қуёшли макон" маҳалла фуқаролар йиғинида яшовчи Зийнел Шароповга мурожаати асосида иссиқхона ташкил этиш учун "Халқ банки" томонидан 30 миллион сўмлик имтиёзли кредит ажратилди. Ҳозирда мазкур 3 сотихли иссиқхонада бодринг ва помидор етиштирилмоқда.

– Ишсизлигим туфайли маҳалла фуқаролар йиғинининг мутасадди ходимларига бандлик масаласида ёрдам сўраб мурожаат қилган эдим, – дейди Зийнел Шаропов. –

Улар томорқада иссиқхона ташкил қилишимни маслаҳат бериб, бу борада банкдан имтиёзли кредит олишим учун зарур кўрсатмалар беришди. Иссиқхонага 700 тупдан зиёд бодринг ва помидор кўчатларини эдим. Экинлар томчилиб сугориш тизими асосида озиқлантирилмоқда. Бодрингнинг ҳосилдорлиги яхши, ҳар куни бозорга 70-80 килограмм маҳсулот чиқаряпмиз. Яқин кунларда помидор ҳам пишиб этилади.

Мақсад ҲАБИБУЛЛАЕВ (ЎЗА) олган сурат.

## ИНСОНПАРВАРЛИКНИНГ ЮКСАК НАМУНАСИ

Ўзбекистон Республикаси Президенти Шавкат Мирзиёев Муборак Рамазон ҳайитини нишонлаш арафасида халқимизга хос меҳр-оқибат, эзгулик, хайр-саховат каби олижаноб фазилатларнинг ёрқин ифодаси сифатида "Озодликдан маҳрум этиш жазосини ўтаётган, қилмишига чин кўнгилдан пушаймон бўлган ва тузалиш йўлига қатъий ўтган бир гуруҳ шахсларни афв этиш тўғрисида"ги Фармонни имзолади.

Фармонга мувофиқ, Ўзбекистон Республикаси Конституциясининг 93-мод-

даси 23-бандига асосан жазо муддатини ўтаётган ҳамда қилмишига чин кўнгилдан пушаймон бўлган ва тузалиш йўлига қатъий ўтган 100 нафар фуқаролар афв этилди.

Афв этилган шахсларнинг 3 нафари асосий жазодан тўлиқ озод этилди, 43 нафари жазони ўташдан муддатидан илгари шартли озод қилинди, 10 нафарининг озодликдан маҳрум этиш жазоси енгилроқ жазо билан алмаштирилди. Шунингдек, 44 нафар шахсларга тайинланган озодликдан маҳрум этиш жазосининг муддатлари қисқартирилди.

Афв этилганларнинг 12 нафари чет эл фуқаролари, 4 нафарини 60 ёшдан ошган эркаклар, 6 нафарини аёл ҳамда 52 нафарини тақиқланган ташкилотлар фаолиятида қатнашган шахслар ташкил этади.

Фармон ижроси юзасидан афв этилган шахсларни оиласи ва яқинлари бағрига қайтариш, ижтимоий ҳаётга мослашиб, фойдали меҳнат билан шугулланишлари, соғлом турмуш тарзини йўлга қўйиб, жамиятда муносиб ўрин топишлари учун кўмак бериш бўйича масъул вазирлик ва идораларга тегишли топшириқлар берилди.

## Таълим сифати – тараққиёт мезони

Ўзбекистондаги ўзгаришлар ва янгиланишларда ҳар бир ҳудуднинг ўзига хос ҳиссаси бор. Жиззах вилояти ҳам аниқ вақтдаги имкониятлардан фойдаланиб, янгиланиш ва улкан бунёдкорликлар сари одимламоқда. Ҳудуддаги умумтаълим мактаблари, касбга ўқитиш марказлари, олий ўқув юртлири, Болалар мусиқа ва санъат мактаблари, Баркамол авлод болалар ижодиёт марказлари, мактабгача таълим ташкилотларида баркамол авлоднинг вояга етказиш, уларнинг иқтидорларини юзага чиқариш учун ҳаракат қилинмоқда.

Бунинг натижасида муайян ютуқларга эришилмоқда. Жумладан, Жиззах давлат педагогика институти академик лицейи ўқувчиси Сардор Тожиевнинг биология фани бўйича Япониянинг Нагасаки шаҳрида ма-софавий онлайн кўринишида бўлиб ўтган 31-халқаро олимпиадада фахрли 2- ўринни эгаллаганлиги, Ўзбекистон Миллий университети Жиззах филиали талабаси Дилмурод Раҳматовнинг "МДҲнинг энг яхши талабаси – 2020" халқаро танловида 1- ўринни кўлга киритганлиги барчамизни хурсанд қилди. 2020 йилнинг 1-октябрга-гача вилоятнинг умумий ўрта таълим мактаблари ўқувчилари спорт турлари бўйича 211 та олтин, 96 та кумуш медал-

ларни кўлга киритганлиги ҳам эътирофга лойик.

Биргина Жиззах давлат педагогика институти ҳақида гапирадиган бўлсак, институтида аниқ вақтда 571 нафар профессор-ўқитувчилар фаолият юритади. Институт профессор-ўқитувчилари томонидан шу кунгача олиб борилган илмий-тадқиқот ишлари натижасида монографиялар, электрон дастурлар гувоҳномалари, 2 та патент, 1 та ишланманинг амалиётга тадбиқи бўйича далолатнома, мақолалар, дарслик ҳамда ўқув қўлланмалар яратилди ва Олий ва ўрта махсус таълим вазирлиги қошидаги мувофиқлаштирувчи Кенгаздан ўрнатилган тартибда ўтказилиб,

гувоҳномалар олинди ҳамда ўқув жараёнига тадбиқ этилди. Бундан ташқари, институтда б.ф.д. У.Раҳмонқуллов раҳбарлигида "Ўзбекистоннинг чўл минтақаларидаги шўрхок ва сувсиз ерларда (Ferula foetida, Bunge, Regel) янги қоврак кўчатларини етказиб берувчи инновацион плантацияларни барпо қилиш" мавзусидаги 700 миллион сўмлик 2019-2021 йилларга мўлжалланган инновацион лойиҳаси бажарилмоқда. Д.Бахридиннова раҳбарлигида 2020-2021 йилларга мўлжалланган "Инглиз тилини ўқитишни такомиллаштириш" номи АҚШнинг Ўзбекистондаги элчихонаси кўмагида умумий қиймати 45 минг доллар бўлган халқаро лойиҳа

бажарилмоқда. Аниқ вақтда Инновацион ривожланиш вазирлиги томонидан эълон қилинган грант лойиҳалари танловларига 16 мавзуда истиқболли лойиҳалар берилди. Фан ютуқларининг ишлаб чиқаришга жорий этилаётганлиги бўйича ҳам кўплаб ми-солларни келтириш мумкин.

Бизни хурсанд қилаётган чиқаришга жорий этилаётган дави давлат мукофотига, бир талабамиз Ёшлар иттифоқининг стипендиясига, яна бир талабамиз "Мард ўғлон" номидаги давлат мукофотига сазовор бўлди. 2019 йил олий ўқув юртлири талабалари ўртасида ўтказилган республика фан олимпиада-сида талабаларимиз жами 7 та совринчи ўринни кўлга киритган бўлса, 2020 йилда 27 нафар талабамиз юқори ўринларни эгаллаб, республика олий ўқув

юртлири орасида юқори натижа-лардан бирини кўлга киритди. 4 нафар талабамиз эса халқаро онлайн фан олимпиадаси го-либлигини кўлга киритганлиги ҳам институтимиз иқтидорли ёшларининг илмга чанқоқли-гининг бир кўриниши. Тасви-рий санъат ва меҳнат таълими факультети талабаларидан 2 нафари ўз соҳалари бўйича халқаро танловларда соврин-дор бўлиб қайтишди. Физика йўналишида 3 нафар талаба Ўзбекистон Фанлар академия-си Астрономия институти томо-нидан ўтказиладиган "Улуғбек ўқишлари"да иштирок этмоқда.

Воҳамиз ёшларининг ушбу ютуқлари бу биргина таълим соҳасига оидларидир. Ишон-чимиз комилки, ёшларимиз-нинг бу каби ютуқлари сон ва сифат жиҳатидан янгиланиб бориб, юртимиз тараққиётида муҳим ўрин тутади.

Ғайрат ҚОДИРОВ,  
Жиззах давлат педагогика  
институти илмий ишлар ва  
инновациялар бўйича  
проректори,  
б.ф.н., доцент.

Техникадан узоқ вақт фойдаланай десангиз...

Kaizen – япон фалсафаси унинг моҳияти нимада?

Мутахассис тавсиялари

# Техника ўз зангига ўзи қоврилиб ётмасин!..

Ўтган асрнинг олтинчи йилларида маҳалламиздаги кекса усталар ҳовлимиздаги қамишли томни таъмирлашганди. Шундан фойдаланиб, мен ҳам томга чиқдимда бир неча мuddат олдин қамишлар орасига тушиб кетган темир пичоқчамни қидира кетдим. Нурбобо исмли қалин оптоқ соқолли уста киши менга қизиқиб қараб турдида қидирмасанг ҳам бўлади, пичоқинг бу ерда занглаб бўлди, кескирлигини йўқотди дедилар.



Унутилиб кетган бу воқеани ВАЗ автомобилларини зангдан сақлаш бўйича илмий ишлар бажариб юрганамизда, кейинчалик Ўзбекистон аграр секторидagi машиналарни ҳимояси бўйича республика ишчи комиссияси тарихида вилоятларга бўлган сафарим чоғида эслагандим. Яқинда эса телевизорда қайсидир бир кластерга келтирилган, нархи етти юз миллион доллар деб айрилган, жудда чиройли рангларга бўялган, қатор қилиб қўйилган, дехқонлар ҳар қанча ҳавас қилса арзийдиган техникаларни кўриб яна шу воқеани эсладим. Дала четларида, маҳаллалардан олисдаги якка дала шийпонлар ҳовлисида қишин-ёзин занглаб турган техникаларни кўрмаган кексалар орамизда йўқ бўлса керак? Албатта, эскиларни ўрнини босиш учун сотиб олинаётган кўплаб техникаларимиз олдинги аждодлари каби дала четида ёки шийпон олдида эмас, янги ташкил қилинаётган кластерлар олдидаги майдонларда саф тортиб туришибди. Уларда ҳали занг оқибатлари кўринмаяпти, лекин бир-икки йил тез ўтиб кетади, улар ҳам менинг йўқолган пичоқимдек зангга чалиниши мумкин. Лекин уларни олдингиларидек рўйхатдан ўчириш, металлومга топшириш

мумкин эмас. Чунки улар ишини бажариб улгургани йўқ... Жаҳонга танилган академиклар А.Ишлунский, Б.Патон, Я.Колотиркинлар турли йилларда металлургия зангдан сақлаш лозим эканлигини кўп марта таъкидлаб, чиқишлар қилишганига, кўплаб илмий излашлар олиб боришганига қарамай барча мамлакатлар ҳануз ўн фоизгача металлургия занг орқали йўқотиб келишмоқда. Занг фақатгина металлургия чиритиб, биз учун таниш ҳолатларга келтирибгина қолмай, жуда ҳам кичкина, кўзга кўринмас занг яраси нархи миллионлаб айрилган ускунага ўта катта зарар етказувчи жароҳатга айланишини билмаслигимиз мумкинми? Менимча мумкин. Айниқса, даладаги техника аҳволи билан танишишга вақти бўлмаган, лекин ана шу техникаларни сотиб олиш учун ўз вақтида фермерларга пул ажратишга қарорлар чиқарган, ҳозирги кунда нафақат техника ҳолатини ўрганишга, ўз бошини қашишга ҳам вақти етмаётган масъулларимиз ва уларнинг жойлардаги вакиллари билишмасе керак ёки билишни хоҳлашмасе? Техника эгалари эса ҳар қанча юраги эзилмасин, келадиган комиссия учунгина муддатини ишлаб бўлган мойларни

техникаларнинг кўринарли жойларига суркаб ва уларни санамлар каби бир қаторга тузиб қўйишдан бошқа чораси йўқ эканлигини сезамизми? Техника ҳолатини назорат қилувчи ташкилотлар ходимлари ҳам кабинетда ўтириб, жунатилган расмлар бўйича ҳисоботларни қабул қилишаётган бўлса ажаб эмас. Бечора фермер эса ўзи билан ўзи. Техникага қараса, далада иш қолиб кетади. Ҳаммасига қараса, идорага бориб қиладиган ишлари қолиб кетади. Президентимизнинг вазирларга мурожаат қилиб, жойлардаги муаммоларни жойида ўрганиб, бартараф этишга қақираётгани ҳам бежиз эмас. Бу нафақат вазирларга балки барчамизга дахлдордир. Биз, олимлар, профессор-ўқитувчилар ҳам жойларга чиқиб, ишлаб чиқаришдаги янгиликларни муаммолар билан танишиб, уларнинг ечимини даркор, деб биламан. Бунинг учун вазирликларимиз ўқитувчиларимизнинг дарс юкламаларини минг соат ва ундан юқорига кўтариш ўрнига чет эл профессорлариники каби 450-500 соат эмас, ҳеч бўлмаганда, Мустақиллик йилларига гача бўлган даврдagидек 700-800 соатдан оширмаслиги керак, деб ўйлайман. Акс ҳолда биз, олий

таълим ўқитувчилари ҳам аудиториядан четга чиқа олмаймиз. Ахир, техникалар олдинги асрдagидек зангга чалиниб, ўз зангига ўзи қоврилиб ётса, тақдирини эски замондагидек ҳисобдан чиқиб кетса янги Ўзбекистон учун катта зарар бўлмайди? Инвестиция вазирлигида экспертлар бор-йўқлигини билмайман, лекин шулар барча соҳалардаги муаммоларни кўтариб, уларни давлат грантлари билан таъминлаб, ечимини излаш учун инвестиция дастурларига кириштириш лозим деб ҳисоблайман. Зангнинг олдини олиш техникани сақлаш стандартларида кўрсатилган. Агарда, техника икки ойдан ортиқ ишлатилмаса, унинг асосий қисмлари, масалан, занжирлари ечилиб, консерва қилувчи мойда қайнатиб олинади, сўнгра топишга ҳиссамизни қўшмоғимиз қўйилади. Агрегат ва қисмлардаги мойлар тўкилиб, АКOP-1 ингибиторли қўшимча қўшилган мойларга алмаштирилади. Техникани ишга солишдан олдин яна дастлабки ҳолатга қайтарилади. Юқорида келтирганимиздек, фермер ҳужалиқларига АКOP-1 қўшилмалари етиб келмайди, консервация ишларини бажариш учун

маблағ ва ишчи кучи етишмайди, техника тўхтатилган ҳолда қолади ва бир неча омишлар сабаб занглаб бошлади. Мавсум яқинлашганда ёки бошланганда, ишга туширилган техниканинг ишқаланувчи деталлари зангдан ҳосил бўлган абразивлар таъсирида кучлироқ ейилади ва мавсум орасида носозликлар юз беради. Юқорида мен эслаган, ҳеч қандай ўқимаган қария уста занглаш оқибатини билсаю, шу техника ёнидан ҳар кунни ўтувчи олий маълумотли мутахассислар, раҳбарлар занглашни сезишмасе нима қилиш керак? Бизда прогрессив ечим сифатида бундай техникаларда ҳимоялаш усуллари ҳам кучайтирилган, яъни ингибиторлангирлан мойлаш маҳсулотларидан фойдаланишни тавсия қилишга асосларимиз етарли. Халқимизни, ўқувчи ва талаба ёшларимизни, гўзал аёлларимизни оғир кўл меҳнатидан бўшатувчи техникаларни кўз қорачиғидек асрасак, улардан тўғри фойдалансак фойдадан холи бўлмайди. Шунинг учун барчани зангга қарши жанг қилишга қақирамас.

Ҳозирда Тошкент давлат транспорт университети автотранспорт муҳандислиги факультетининг “Транспорт энергетик қурилмалари” кафедрасида фаолият юритаётган, Марказий Осиёда ягона бўлган собиқ Тошкент автомобил йўллари институтининг “Химотология” кафедраси профессор-ўқитувчилари янги тоифадаги ишчи ҳимоя мойларини мутахассислар билан ҳамкорликда буюртма асосида яратиб беришга тайёр. Бунда иккиламчи маҳсулотлардан, қайта тикланувчи ўсимлик мойларидан фойдаланиб, талабга жавоб берадиган сурков мойлар, гидравлик ва бошқа техник сувоқликлар яратиш, ушбу ишларни чуқур ўрганган мутахассисларни тайёрлаш имкониятларига эга эканлигимизни ҳам билдирмоқчимиз.

**АБУТОЛИБ СОБИРЖОНОВ,**  
Тошкент давлат транспорт университети доценти.

## Ўзсаноатқурилишбанк тизимида “Kaizen teams” лойиҳаси иш бошлади

Жорий йилнинг 10-11 май кунлари Ўзсаноатқурилишбанк томонидан ёш ходимлар учун ташкил этилган “Kaizen teams” лойиҳасининг очилиш маросими ҳамда лойиҳанинг илк тренинглари бўлиб ўтди.

Мамлакатимизда ёшлар масаласи давлат сиёсатининг энг устувор йўналишларидан бири ҳисобланади. Президентимиз раҳнамолигида барча жаҳалларда ёшларнинг ҳуқуқ ва манфаатларини ҳимоялаш, уларга зарур шарт-шароитлар яратиш ҳамда алоҳида иқтидор эгаларини ҳар томонлама қўллаб-қувватлаш борасида чуқур ислохотлар олиб боришмоқда. Ёшлар улуши салмоқли ўрин эгаллаган Ўзсаноатқурилишбанк тизимида ҳам ушбу йўналишда кенг қўламли саъй-ҳаракатлар амалга оширилмоқда. Жамоа ёшлари орасидан юқори салоҳиятли ходимларни танлаб олиб, тизимда раҳбар кадрлар захирасини яратиш ҳамда уларни доимий равишда ривожлантириб бориш мақсадида ишлаб чиқилган “Kaizen teams” лойиҳаси ана шундай ишларнинг амалий ифодасидир.

– Лойиҳа ҳам назарий, ҳам кўнгилочар, ҳам ватанпарварлик руҳидаги турли дастурларни ўз ичига олган, – дейди “Ўзсаноатқурилишбанк” АТБнинг Ходимларни бошқариш департаменти директори Азизхон Нодиров. – Бадиий ва бизнесга оид китоблар бўйича беллашувлар ташкил этилади, маҳаллий ва хорижий топ-менежерлар билан турли учрашувлар ўтказилади. Асосийси, иштирокчиларга банк нуфузини янада оширишга қаратилган вазифалар топширилиб, тизимда амалга оширилаётган трансформация жараёнига ўз ҳиссаларини қўшиш имконияти берилади.

Шунингдек, топшириқларни ўз вақтида бажариб, тренингларида фаол қатнашган ҳамда хорижий тилларни яхши ўзлаштирган ёш ходимлар чет давлатларга малака оширишга юборилади, раҳбарлик лавозимларига тайинланади.

“Kaizen teams” лойиҳасининг очилиш маросими доирасида банк Бошқарув раиси Саҳи Ан-накличев билан норасмий учрашув бўлиб ўтди. Унда банк раҳбари лойиҳа иштирокчиларини дастлабки ютуқлари билан табриқлади ва мулоқот қилди.

Илк тренинглари банкдаги трансформация жараёнига бағишланди. Банкнинг 2021 йилга мўлжаллаган бизнес режаси, чакана хизматлар, кичик ва ўрта бизнес ҳамда корпоратив бизнес йўналишлари, шунингдек қарздорлар билан ишлаш технологияси ва психологияси, тизимда лидерлик, муваффақиятли раҳбарнинг олтин қоидалари каби мавзуларда Бошқарув аъзолари ҳамда тегишли таркибий бўлинма раҳбарлари томонидан тақдироти чиқишлар намойиш этилди.

Хусусан, “Эл-юрт умиди” жағғармаси орқали Буюк Британиядаги Лондон Брунел университетиде MBA йўналишида таҳсил олиб қайтган банк раҳбар ходимларидан бири – Шоҳмур Гўлтурраев томонидан “SQB mini MBA” йўналишида тренинг ўтказилиб, у ўз тажрибалари билан ўртоқлашди.

Маълумот учун, “Kaizen” (японча “яхшилаш”, “такомиллаштириш” деган маънони билдиради) – бу ҳаётимизнинг барча жаҳаллари, жумладан, бизнес ва бошқариш тизимидаги барча жараёнларни доимий равишда такомиллаштиришга қаратилган япон фалсафасидир. Дастлаб Иккинчи жаҳон урушидан кейинги тикланиш даврида қатор япон компанияларида қўлланилган “Kaizen” тамойиллари кейинчалик бутун дунё бўйлаб кенг тарқалган.

**Банк Ахборот хизмати**

Қутлов

# “ЯНГИЙЎЛМАХСУССУВЛУДРАТ”

**масъулияти чекланган жамияти жамоаси**

**барча юртдошларимизни**  
**Рамазон ҳайити билан самимий**  
**муборакбод этади.**

**Ушбу шуқуҳли дамларда барчамиз**  
**аҳилу иноқликда бугунги қутлуғ**  
**ҳамда барокатли кунларга**  
**етказгани учун Аллоҳга беҳисоб**  
**шукрлар айтамыз.**

**Илоҳим, улуғ мақсадлар йўлида**  
**астойдил меҳнат қилаётган**  
**халқимизнинг барча ибодатлари,**  
**эзгу дуолари ижобат бўлсин!**

# ҚОРАҚАЛПОҒИСТОН РЕСПУБЛИКАСИДАГИ

## ПАХТААРНА-НАЙМАН ИРРИГАЦИЯ ТИЗИМИ БОШҚАРМАСИ ЖАМОАСИ

**юртдошларимизни, шу Ҷумладан, ирригация,**  
**мелиорация соҳасида самарали меҳнат қилиб**  
**келаётган барча ҳамкасб дўстларини муборак**  
**ҳайит айёми билан чин қалбдан табриқлаюғи.**

**Эзгулик улашадиган ушбу улуғ ва қутлуғ**  
**кунда барчангизга мустақкам соғлик,**  
**ишларингизга улкан зафарлар тилаюғи.**

**Ўлоҳим, юртимиз доимо тинч, ризқимиз дутун,**  
**байрамларимиз бардавом бўлсин!**

Йиллар ва йўллар

Байрам муборақ!



Тўйхат

# Донишмандлик довои

“Эл-юрт хурмати” ордени соҳиби, қишлоқ хўжалиги фанлари номзоди, Ўзбекистон Республикаси Олий Мажлиси Сенати аъзоси **Икромхон НАЖМИДИНОВ 70 ёшда!**

Икромхон акани танийди-ганларнинг аксари, айниқса, ёшлар туман, вилоят ва республика миқёсида фақат раҳбарлик лавозимларида ишлаган жамоат арбоби сифатида билади. Янгиқўрғоннинг Искотов қишлоғида деҳқон оила-сида туғилиб, ўсган Икромхон Нажмиддинов ўрта мактабни тамомлагач, “Победа” колхоз-ида аъзо сифатида иш бошлаганини, бир йиллик дала меҳнатидан сўнг Наманган шаҳридаги “Ҳисобчилар мактаби”да таҳсил олганини ва яна қишлоққа қайтиб, колхозда ҳисобчи бўлиб ишлаганини билмайдилар. Икромхон Нажмиддинов бошқарув идораларига тақлиф этилган қишлоқ йигитлари қатори ҳарбий хизматни ўтаган, яна ўн йилдан зиёд колхозда ишлаб, ҳар томонлама чиникқан эди.

Янгиқўрғон тумани ижроия кўмитасида, вилоят ижрокўми ва вилоят агросаноат уюшмасида, вилоят ҳокимлиги ва Истикболстат бош бошқармасида йигирма йилдан зиёд тажриба тўплади. Вилоят ҳокими этиб тайинланганига қадар Тўрақўрғон туманида ҳоким, вилоят ҳокимининг биринчи ўринбосари вазифаларида хизмат қилди.

Ўрганиш ва ўргатишга астойдил киришган аждодларимиз бутун дунё бўйлаб инсониятнинг Биринчи уйғониш даврини бошлаб берганди. Бобокалонимиз Амир Темури даврида олиму фозилларнинг шаҳарларда тўпланиб, анжуману машваратлар утказишлари – бирдамлик сийёсати эди. Қозизода Румий, Мирзо Улуғбек, Навоий, Жомий, Камолитдин Беҳзодлар ҳаракати ва шарқ меъморчилиги намуналарининг вужудга келиши билан инсоният Иккинчи ренессансга қадам қўйганди. Хўш, Мустақиллик шарофати билан давлатчилигимиз ривож топиб, илм-фан тараққиётига кўрсатилаётган эътибор ва ғамхўрликлар, молиялаштириш маблағлари ажратилаётганига қарамай Учинчи ренессанс учун арзийдиган жаҳоншумул кашфиёт нега юзага келмаяпти? Афсуски, дабдабазлик, ношукрлик иллатларининг оила ҳаётидаги кўринишлари бутун амалга ошириш учун биз хулқимиздаги кемтиклик ва феълимиздаги иллатлардан кечишимиз шарт. Унутмаслигимиз керакки, ренессанс оилалардан бошланади. Бунда ота масъулияти, она серкалиги ҳал қилувчи омилдир.

Учунинг етмишинчи довоини тетиқ рух, жўшқин кайфият ва ўзига хос шижоат билан зийнатлар қадаётган Икромхон Нажмиддинов узок умр кўрсинлар. Тарбия, тарбия ва яна тарбия, деган шиор билан Учинчи ренессанс тантаналарида ҳам сафларимиз аввалида юрсинлар, дея тилак билдирамиз. Шояд етмишинчи баҳор донишмандлик довоинидир!

Учунинг етмишинчи довоини тетиқ рух, жўшқин кайфият ва ўзига хос шижоат билан зийнатлар қадаётган Икромхон Нажмиддинов узок умр кўрсинлар. Тарбия, тарбия ва яна тарбия, деган шиор билан Учинчи ренессанс тантаналарида ҳам сафларимиз аввалида юрсинлар, дея тилак билдирамиз. Шояд етмишинчи баҳор донишмандлик довоинидир!

Учунинг етмишинчи довоини тетиқ рух, жўшқин кайфият ва ўзига хос шижоат билан зийнатлар қадаётган Икромхон Нажмиддинов узок умр кўрсинлар. Тарбия, тарбия ва яна тарбия, деган шиор билан Учинчи ренессанс тантаналарида ҳам сафларимиз аввалида юрсинлар, дея тилак билдирамиз. Шояд етмишинчи баҳор донишмандлик довоинидир!

Учунинг етмишинчи довоини тетиқ рух, жўшқин кайфият ва ўзига хос шижоат билан зийнатлар қадаётган Икромхон Нажмиддинов узок умр кўрсинлар. Тарбия, тарбия ва яна тарбия, деган шиор билан Учинчи ренессанс тантаналарида ҳам сафларимиз аввалида юрсинлар, дея тилак билдирамиз. Шояд етмишинчи баҳор донишмандлик довоинидир!

Учунинг етмишинчи довоини тетиқ рух, жўшқин кайфият ва ўзига хос шижоат билан зийнатлар қадаётган Икромхон Нажмиддинов узок умр кўрсинлар. Тарбия, тарбия ва яна тарбия, деган шиор билан Учинчи ренессанс тантаналарида ҳам сафларимиз аввалида юрсинлар, дея тилак билдирамиз. Шояд етмишинчи баҳор донишмандлик довоинидир!

Учунинг етмишинчи довоини тетиқ рух, жўшқин кайфият ва ўзига хос шижоат билан зийнатлар қадаётган Икромхон Нажмиддинов узок умр кўрсинлар. Тарбия, тарбия ва яна тарбия, деган шиор билан Учинчи ренессанс тантаналарида ҳам сафларимиз аввалида юрсинлар, дея тилак билдирамиз. Шояд етмишинчи баҳор донишмандлик довоинидир!

Учунинг етмишинчи довоини тетиқ рух, жўшқин кайфият ва ўзига хос шижоат билан зийнатлар қадаётган Икромхон Нажмиддинов узок умр кўрсинлар. Тарбия, тарбия ва яна тарбия, деган шиор билан Учинчи ренессанс тантаналарида ҳам сафларимиз аввалида юрсинлар, дея тилак билдирамиз. Шояд етмишинчи баҳор донишмандлик довоинидир!

Учунинг етмишинчи довоини тетиқ рух, жўшқин кайфият ва ўзига хос шижоат билан зийнатлар қадаётган Икромхон Нажмиддинов узок умр кўрсинлар. Тарбия, тарбия ва яна тарбия, деган шиор билан Учинчи ренессанс тантаналарида ҳам сафларимиз аввалида юрсинлар, дея тилак билдирамиз. Шояд етмишинчи баҳор донишмандлик довоинидир!

Учунинг етмишинчи довоини тетиқ рух, жўшқин кайфият ва ўзига хос шижоат билан зийнатлар қадаётган Икромхон Нажмиддинов узок умр кўрсинлар. Тарбия, тарбия ва яна тарбия, деган шиор билан Учинчи ренессанс тантаналарида ҳам сафларимиз аввалида юрсинлар, дея тилак билдирамиз. Шояд етмишинчи баҳор донишмандлик довоинидир!

Учунинг етмишинчи довоини тетиқ рух, жўшқин кайфият ва ўзига хос шижоат билан зийнатлар қадаётган Икромхон Нажмиддинов узок умр кўрсинлар. Тарбия, тарбия ва яна тарбия, деган шиор билан Учинчи ренессанс тантаналарида ҳам сафларимиз аввалида юрсинлар, дея тилак билдирамиз. Шояд етмишинчи баҳор донишмандлик довоинидир!

Учунинг етмишинчи довоини тетиқ рух, жўшқин кайфият ва ўзига хос шижоат билан зийнатлар қадаётган Икромхон Нажмиддинов узок умр кўрсинлар. Тарбия, тарбия ва яна тарбия, деган шиор билан Учинчи ренессанс тантаналарида ҳам сафларимиз аввалида юрсинлар, дея тилак билдирамиз. Шояд етмишинчи баҳор донишмандлик довоинидир!

Учунинг етмишинчи довоини тетиқ рух, жўшқин кайфият ва ўзига хос шижоат билан зийнатлар қадаётган Икромхон Нажмиддинов узок умр кўрсинлар. Тарбия, тарбия ва яна тарбия, деган шиор билан Учинчи ренессанс тантаналарида ҳам сафларимиз аввалида юрсинлар, дея тилак билдирамиз. Шояд етмишинчи баҳор донишмандлик довоинидир!

Эълонлар

Яшнабод туманидаги 231-сонли умумий ўрта таълим мактаби томонидан 1975 йилда Джаллилов Ваҳаб Воҳидович номига берилган № 660071 рақамли шаходатнома йўқолганлиги сабабли бекор қилинади.

Чилнозор туманидаги 202-сонли умумий ўрта таълим мактаби томонидан 1991 йилда Сасов Алексей Михайлович номига берилган А № 519255 рақамли шаходатнома йўқолганлиги сабабли бекор қилинади.

Ўсимликлар карантини давлат инспекцияси ҳузуридаги Ўсимликлар карантини илмий-тадқиқот маркази жамоаси катта илмий ходим **Нодир САЙИМОВ**нинг вафоти муносабати билан унинг оила аъзоларига ҳамдардлик билдиради.

“Ўзбекидрозэнерго” АЖ тизимидаги «Сувсаноатмаш» акциядорлик жамияти жамоаси узок йиллар бош технолог лавозимида фаолият юритган **Юрий Петрович ПОДВАРКОВ**нинг вафоти муносабати билан унинг оила аъзоларига таъзия изҳор этади.

QISHLOQ HAYOTI

МУАССИСАЛАР: Ўзбекистон Республикаси Вазирлар Маҳкамаси тарихидаги ҳамда бошқа дахлдор вазирлик ва идоралар.

Бош муҳаррир: Чори ЛАТИПОВ

Таҳрир ҳайъати:

Жамишид ХЎЖАЕВ, Шавкат ҲАМРОЕВ, Шухрат ТЕШАЕВ, Муҳаммадjon ТОШБОЛТАЕВ, Ақтам ХАЙТОВ, Ботир СУЛАЙМОНОВ, Маҳмуд ТОИР, Ҳабиб ТЕМИРОВ (бош муҳаррир ўринбосари), Раимқул СУЯРОВ (бош муҳаррир ўринбосари).

Саҳифаловчи-дизайнер: Маркс ЮСУПОВ

Ўзбекистон Матбуот ва ахборот агентлиги томонидан 2009 йил 13 февралда № 0020-рақам билан рўйхатдан ўтказилган. Ҳажми 2 босма табоқ, Ҳафтасида босилди, қоғоз бичими А-2. НАШР ИНДЕКСИ – 144. Буюртма Г-547. 2 558 нусхада чоп этилди.

Манзил: 100000, Тошкент, Матбуотчилар кўчаси, 32-уй. Телефонлар: Қабулхона – 236-26-50. Аграр масалалар бўлими – 236-26-47. Хатлар ва жамоатчилик билан алоқалар бўлими – 233-76-78. Факс – 233-44-43, 233-09-93. Реклама ва эълонлар – 236-26-50, 233-28-04. e-mail: info@qishloqhayoti.uz Баҳоси келишилган нарҳда.

Газета “Шарқ” нашриёт-матбаа акциядорлик компанияси босмаҳонасида босилди. Манзили: “Буюк Турон” кўчаси, 41-уй. 1 2 3 4 5 6

Қутлов

**ИПОТЕКА БАНК**

## Ҳайит айёмингиз муборақ бўлсин!

**Азиз юртдошлар!**  
Ипотека-банк жамоаси барчангизни муборақ Рамазон ҳайит байрами билан табриқлайди.  
Ушбу байрам хонадонларингизга туганмас саодат ва чексиз файзу-барокатлар олиб келсин!

**Азиз юртдошлар!**  
Наманган вилоятида кенг қамровли ирригация ва мелиорация тадбирларини муваффақиятли амалга ошириб, деҳқону фермерлар, томорқа ер эгаларининг олқишига сазавор бўлиб келаётган

## “НАМАНГАНМАХСУССУВПУДРАТ”

масъулияти чекланган жамиятининг аҳил жамоаси

барчангизни муборақ Рамазон ҳайити байрами билан муборақбод этади. Заминни захдан, деҳқонни ташвишдан халос этиш йўлида фидойилик кўрсатаётган ҳамкасбларининг ишларига ривож тилайди. Илоҳим, барчамизнинг эзгу умид ила қилаётган ҳар бир хайрли ишимиз барорли бўлсин!

ISSN 2010-7021



Босишга топшириш вақти: 21.00  
Босишга топширилди: 22.45